

Wuradźowanje w Hodźiju wo reformje wosadneje struktury

Štwórtk, 16. julija, zetkach so w Hodźijskim kantorace zastupjerjo Hodźijskeje wosady, Serbskeho sejma a Serbskeho wosadneho zwjazka z Budyskim superintendentom Tilmannom Poppom a wyším krajnocyrkwinskim radu dr. Thilom Danielom z Drježdźan. Příkladina wuradźowanja běchu zapodaće Hodźijskeje Bjesady a listaj Serbskeho sejma a Serbskeho wosadneho zwjazka na zarjadnistwo Sakskeje krajneje cyrkwe. Problem je, zo sej zarjadnistwo krajneje cyrkwe žada, zo serbska Hodźijska wosada mjez druhim z Biskopičanskej rzyzy němskej wosadu wulkemu wosadnemu strukturnemu cyłkej přistupi. Hodźijska wosada to wotpokaza, mjez druhim dokelž so boji, zo so potom serbske žiwjenje we wosadze cyle zhubi. Tehodla chce – jeli docyła – Hodźijska wosada přeměnenju swojeje wosadneje struktury jenož přihosować, hdyž zarjadnistwo krajneje cyrkwe sotrowski poměr (Schwesternkirchverhältnis) z wosadami Huska, Horni Wujězd a Porchow, kotraž po zakonju k serbskemu teritorijej slujeja, přizwoli. Před lětami běše to hišće wobstatk koncepta zarjadnistwa krajneje cyrkwe a wotpowěduje postajenjam cyrkwinskeho strukturneho zakonja (Kirchgemeindestrukturgesetz).



Wobdźelnicy wuradźowanja na Hodźijskim kantorace (wotlěwa): farar Chr. Rummel, G. Krawc, H. Kozel, M. Goldschmidtowa, M. Chěžnik, M. Krygař, dr. T. Daniel, superintendent T. Popp

Foće: Měrcin Krawc, Trudla Malinkowa

Farar Rummel je wuradźowanje moderował. Intensiwna diskusija njeje hišće k žanemu dojednanju wjedła. Dr. Daniel přilubi, naležnosć a argumenty w Drježdźanach přednjesć, dobre rozrisanje pytać a pozdžišo hišće raz na wuradźowanje do Hodźija přijěć. Mato Krygař wot Serbskeho wosadneho zwjazka kaž tež Měrcin Krawc a Hajko Kozel wot Serbskeho sejma

podpěrachu Hodźijske stejišće. Wuradźowanje zahaji a skónči so ze zhromadnym spěwanjom serbskeju kěrlušow.

Dr. Daniel a sup. Popp připóznawataj wosebitosć serbskeho wosadneho žiwjenja. Z teho rezultowace potrebnosće, kiž su zakótwjene w serbskim zakonju Sakskeje krajneje cyrkwe, žadaja sej wosebity škit.

Gerat Krawc